

# Kommuneqarfik Sermersuumi imigassanik aalakoornartortalinnik nioqquteqartarneq sassaallertarnerlu pillugit Namminersorlutik Oqartussat nalunaarutaat

Imigassanik aalakoornartortalinnik nioqquteqartarneq sassaallertarnerlu pillugit Inatsisartut inatsisaanni nr. 11-mi, 11. november 2000-meersumi, Inatsisartut inatsisaata allanngortinneratigut Inatsisartut inatsisaatigut nr. 3-kkut, 31. maj 2001-imeersukkut allanngortinneqartumi, § 26, imm. 1, nr. 2, aamma § 27, imm. 3, malillugit aalajangersarneqarput:

## *Atuuffi*

§ 1. Nalunaarut Tasiilamut aamma Ittoqqortoormiut aamma nunaqarfinnut Kulusumut, Tiniteqilaamut, Sermiligaamut, Kuummiunut aamma Isortumut atuuppoq.

## *Imarisai pingaarnerit*

§ 2. Imigassanik 15 procentitut kimittutigisumik taannaluunniit sinnerlugu aalakoornartortalinnik nioqquteqartarneq sassaallertarnerlu inerteqqutaapput.

§ 3. Tasiilami aamma nunaqarfinni Kulusumi, Tiniteqilaami, Sermiligaami, Kuummiuni aamma Isortumi imigassanik 2,25 procent sinnerlugu kimittutigisumik aalakoornartortalinnik nioqquteqartarneq sassaallertarnerlu ukiut tamaasa junip aallaqqaataanni inerteqqutaapput.

§ 4. Nunaqarfinni Tiniteqilaami, Sermiligaami aamma Isortumi, siuningaaniit inniminneereersimatinnani, imigassanik kimittuunik nioqquteqartarneq inerteqqutaavoq, taamaattoorli § 5 takuuk.

§ 5. Nunaqarfinni Tiniteqilaami, Sermiligaami aamma Isortumi immiaaqqaanik 4,10 procent taannaluunniit sinnerlugu kimittutigisumik aalakoornartortalinnik nioqquteqartarneq ajornartitaanngilaq.

## *Pineqaatissiissutit*

§ 6. §§-inik 2-4-mut unioqqutitsisoqartilugu pineqaatissiissummik akiliisitsisoqarsinnaavoq.

## *Atortuulersinneqarnera*

**§ 7.** Nalunaarut ulloq 4. marts 2011 atortuulersinneqarpoq.

*Imm. 2.* Peqatigitillugu Ammassalik kommuneani imigassamik aalakoornartulimmik nioqquteqannginnissaq aamma imigassanik 15% sinnerlugu aalakoornartortalinnik sassaallertoqartannginnissaa pillugu Namminersornerullutik Oqartussat nalunaarutaat nr. 20, 30. juni 2008-meersoq, Ammassallip Kommuniani aalakoornartortalinnik nioqquteqartarnej sassaallertarnerlu pillugit Namminersornerullutik Oqartussat nalunaarutaat nr. 8, 31. maj 2007-imeersoq aamma Illoqqortoormiut Kommuniani aalakoornartortalinnik nioqquteqartarnerup sassaallertarnerullu unitsikkallarnejarnerat pillugu Namminersornerullutik Oqartussat nalunaarutaat nr. 10, 23. februar 2001-imeersoq, atorunnaarsinneqarput.

*Namminersorlutik Oqartussat, ulloq 4. marts 2011*

Agathe Fountain

/

Ann Birkekær Kjeldsen

**Namminersorlutik Oqartussat**

Imaneq 4

3900 Nuuk

E-mail: [nsninatsit@nanoq.gl](mailto:nsninatsit@nanoq.gl)

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut